



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Iudæi sub Ptolemæis Aegypti Regibus, deinde sub Regibus Syriæ.

urn:nbn:de:hbz:466:1-11490

Alexandrum ¹ Seleucus rex fuit, subjecta eidem ² Perside ac
 3 Babylone. Qua tempestate Judæi annum stipendium,
³ trecenta argenti talenta ⁴ regi dabant: nec tamen per ex-

ter-

tio Syria paruit Ptolemæis regibus Ægypti. Respondeo Asiæ & Syria satrapam primum fuisse Antigonum. Eum bello vicerunt Seleucus & Ptolemæus: unde contentio inter hos duos de regno Syria. Qua de re videndus lib. 5. Polybius, ubi inter alia Antiochus queritur de injuria quam sibi fecerat Ptolemæus in occupandis Syria locis. Antigonum enim & Seleucum, qui primi ea loca occupaverant, verissimos ac justissimos dominos fuisse ajebat. Ideoque ad se, non ad Ptolemæum, Syria regnum, quasi hereditario jure pertinere. Quippe Ptolemæum adversus Antigonum pugnasse non sibi, sed Seleucorum locorum imperium quærentem. Præterea communem omnium regum concessionem in medium afferebat. Nam quo tempore, superato Antigono, dividere inter se regna Cassander & Lysimachus & Seleucus voluerunt, Seleuci esse omnem Syriam judicaverunt. Hæc ibi: quæ fortasse moverunt Eusebium (nam hunc Sulpicius sequitur) ut scripserit Seleucum primum in Syria regnasse annos xxxii. *Drusius.*

1 *Seleucus.*] Cognomento Nicanor, *Eusebius.* Nicator, alii. Quæ putatur esse vera Macedonica dialectus. Appellatio à victoriis quas habuit. Alii dictum ita putant à Nicator quodam casu. *Drusius.* A victoriis dictum Νικητορα, tradit Appianus Syriaco. Ammianus 23. *Nicatori Seleuco victoriarum crebritas hoc indiderat cognomenti.*

2 *Perside ac Babylone.*] Primum fuit satrapa Babyloniorum: postea factus est rex *Babyloniae Mediaeque*, Appianus: *Babyloniae & superiorum locorum*, Eusebius. Idem aliter. Nam superiora loca vocantur Media ac Persia, ut 1 Machab. VI, 1. *Rex Antiochus perambulans superiores regiones, audivit esse civitatem Elymaidam in Perside nobilissimam.* *Drus.*

3 *Trecenta argenti talenta.*] Annum vectigal sive tributum, quod Judæi Seleuco dabant, erant trecenta talenta non auri, sed argenti, aut eo plus. *Infra: Nam deficientibus Judæis ab eo, qui ultra trecenta argenti talenta annua pensaverant.* *Drusius.* Videtur significare, Judæam post Alexandrum tributum pendisse regi Syria Seleuco, cui Babylon, & Persis paruerit. Quod si credidit, vehementer erravit. Nam Judæam primum paruit Ptolemæo Lagi filio Ægypti regi, qui illam armis occupavit, teste Iosepho, & Eusebio: inde Ptolemæo Philadelpho, qui biblia convertenda per septuaginta Judæos interpretes procuravit; de quorum interpretatione mirabili, ac divina Iustinus, Tertullianus, Epiphanius, & Augustinus de civitate Dei, lib. xviii. cap. xlii. Tum Ptolemæo Euergeti, ad extremum Ptolemæo Eupatori filio ejus, quo tempore unus post alterum regnarunt in Syria, Seleucus Nicanor, Antiochus Soter, Antiochus Theus, Seleucus Callinicus, Seleucus Callinici filius, & Antiochus frater ejus, cognomento Magnus. Hic vero demum Ptolemæo Eupatori Syriam eripuit. Quod Ptolemæus Epiphanes successor Eupatoris ferre non potuit. Itaque misso Scopas duce, Antiocho illam extorsit. Sed Antiochus superato Scopas rursus recepit. Inde collocata Ptolemæo Epiphani in matrimonium filia Cleopatra, partem tributorum Judææ, nomine dotis illi attribuit, ac partem sibi retinuit. Judæa tamen in potestate regum Syriae mansit, Iosepho teste. *Sigon.*

4 *Regi dabant.*] Non Seleuco sed Ptolemæo Lagi, qui & Σωτήρ dicitur. Is Hierosolyma Sabbatho occupavit; ut ex Agatharclide Cnidio Iosephus xi, 1. ostendit. ὁ δὲ Πτολεμαῖος πρὸς αἰχμαλώτους λαβῶν, ex montano Judææ

tenos magistratus, sed¹ per sacerdotes suos regebantur,
² patrioque ritu vivebant, donec plerique eorum, ³ longa

tur-

da tractu, Samaria, & Garisin, καὶ Ἰερουσαλὴμ ἐν ἅπασιν εἰς Αἴγυπτον ἀναγών.
 Ac propter fidem, per præsidia eos distribuit τοῖς Μακεδόσιν ἐν Ἀλεξανδρείᾳ αὐτὸς ποιήσας ἰσοπολίτας.
 Multi etiam sponte in Ægyptum migrarunt illecti ubertate terræ, & Ptolemæi benevolentia. Sic Iosephus.

1 Per sacerdotes suos.] Id est, pontifices. Iustinus lib. xxvi. Semper exinde hic mos apud Iudæos fuit, ut eosdem reges & sacerdotes haberent: quorum iustitia religione permixta incredibile quantum coaluerit. Non tantum apud Iudæos hic mos obtinuit, sed etiam, si Servio credendum apud alias gentes. Qua de re sic ille ad hunc Virgilii locum,

Rex Anius, rex idem hominum Phœbique sacerdos.

Majorum, inquit, hæc erat consuetudo ut rex esset etiam sacerdos vel pontifex: unde hodieque imperatores, pontifices dicimus. Cæterum quando primum cœperit hic mos in Iudæa, incertum. Darii quidem Nothi avo suos adhuc duces habebant: sed post, ratio regiminis immutata fuit, cum Alexandri tempore sacerdotis Iadux imperio subessent. Nullius certe ducis aut principis tum mentio usurpatur apud autores. Post Macchabæi sacerdotes dicti sunt ethnarchæ. Primus Aristobulus diadema sumsit. Quamvis in historia Ebraica Judas & fratres ejus reges nominentur. Druisius. Ex Levitica gente, post templi urbisque restorationem, primum pontifices rebus gerendis præfuerunt, nullo principis aut regis nomine assumpto. Apud hos omnis gratia, potentia, divitiæ erant, aut ubi illi volebant, cæteri vulgus erant, sine honore, sine auctoritate. Itaque tanti muneris decus non mediocribus consiliis appetiverunt, qui Levitæ modo essent: quidam per vim, plures fraudibus, fallaciisque, at pauci vera via illuc nitebantur. Cuneus. Monendum est interea, ut pontificis nomen, modo

quem diximus, ei interdum tribuebatur qui nondum pontificatum gessisset, ita etiam sæpenumero tum in sacris literis, tum apud optimos scriptores, vicissim Sacerdos & Sacerdotii vocabulum, adeoque genus Sacerdotale, pro eo quod Pontificem, Pontificatum & Pontificale denorat, usurpari. Unde etiam Pontificia dignitas ἱεραλικὴ πρῆξ honor Sacerdotalis & Stola Pontificia ἱεραπικὴ Sacerdotalis Iosepho vocatur, & ἱερωσιὴν Sacerdotium aliquoties ipse Pontificatus. Et frequens est hujusmodi usus Sacerdotis & Sacerdotii apud Sulpitium Severum, Hieronymum, alios. Seldenus.

2 Patrioqueritu vivebant.] Habentes αὐτονομίαν. Et tum insignis illa Ptolemæi in eos benignitas, ac lxx. Interpretum historia contigit. Vide Joseph. xi, 2. De qua tamen ingens controversia. Nam Josephus Scaliger aperte tradit, fabulas Judaicas esse, quæ de Ptolemæo Philad. & lxx. tradantur. Verisionem autem, suadente Judæorum utilitate conscriptam, qui tum Græce fere loquebantur. Numerus Interpretum, interpretandi ratio, & quæ de separatione ac consensu tanto ambitu dicuntur, ex xxiv. cap. Exodi petita sunt. Heinsius. Sædus vero Batricides, Patriarcha Alexandrinus in Chronico suo, neque Philadelpho, neque Lagidæ interpretationis curam assignat, sed alium Ægypti Regem nomine Oalab Aor ejus authorem facit. De quo vide Seld. num. 1. de success. in Pontif. vii. Certe in Canone Ptolemæi, quem Calvinus & Peravius ex Mss. produxere, Ἀλεξάνδρου Αἰγίου, inter Philippum Aridæum & Ptolemæum Lagi occurrit, de quo nemo novit quid statuendum sit. Horn.

3 Longa rursus pace.] Quam agitarunt sub Alex. M. & quatuor Ptolemæis, pex annos amplius centum. Sigon.

1 Sub

rursum pace corrupti, miscere omnia seditionibus, & turbare cœperunt, affectantes summum sacerdotium libidine, avaritia, & dominandi cupidine. Namque primum ¹ sub rege Seleuco, ² Antiochi magni filio, ³ Oniam sacerdotem, ⁴ virum sanctum atque integrum, ⁵ Simon quidam falsis apud regem criminibus insimulatum, ⁶ exquirere nequiverat. Interjecto deinde tempore, ⁷ Jason frater Oniæ, ⁸ Antiochum regem, qui Seleuco fratri successerat, adiit, ⁹ augmentum stipendii polli-

1 *Sub Rege Seleuco.*] Seleucus iste fuit septimus rex Syriæ, cognomento Philopator sive Philopater: cui Epiphanes successit anno cccxxv. regni Græcorum, quod à Seleuco Nicanore initium ducit. *Drus.*

2 *Antiochi magni filio.*] Antiochus rex Syriæ victo Pt. Philopatore Judæam sibi sociat. Eusebius ex Josepho scripserat τὴν Ἰουδαίαν προστάξασαι, id est, sibi adjungit, subjicit. Quippe inter Seleucidas & Ptolemæos proprie certamen erat, utri cavam Syriam occuparent. Judæa vero erat προσκατεβλήμενη, accessionis instar, & ceu navis modo à borea, modo à noto huc & illuc conclusa. *Capellus.*

3 *Oniam sacerdotem.*] Oniam tertium, Simonis secundi F. ad quem Arcus sive Arius rex Lacedæmoniorum legatos misit. Ita Eusebius & Josephus. A quibus dissentit doctissimus Scaliger, qui ab Ario legatos missos ait ad Oniam Iaddux F. sub Seleuco Nicanore, quo tempore Arius quoque ille erat in vivis, post quem nullus alius Arius in familia regia fuit. *Drusius.*

4 *Virum sanctum & integrum.*] ὁ ἅγιος καὶ ἀμωμὸς ἢ τέλειον. Ἀμωμὸς, id est, immaculatum, sine macula. Hujus meminit Brevariium Jasonis c. III. τὸ ἀγίας τοίνυν πόλεως καὶ τῶ νόμον ἐπινοήσασα σωτηρίας διὰ τὴν Ὀνίαν ἀρχιερέως θεοσεβειῶν τε καὶ μισοπονηλείαν, σωζέσθαι καὶ αὐτὰς τὰς βασιλεῖς πρὸς τὸ τόπον. Vide sequentia.

5 *Simon quidam.*] Idem liber, Σίμων δὲ τις ἐκ τῶν Βενιαμὴν φυλῆς προστάξας τὴν Ἰερὴν κηθεσθαι μὲν. Hinc discimus primum Benjamitam fuisse: deinde propositum templi. Vide II Machab. IV. I. *Idem.*

6 *Exquirere nequiverat.*] Gifelin. excutere. Sigon. extinguere. An hoc egerit Simon, nescio: hoc scio II Machab. III. 7. 6. haberi, καὶ νικήσας τὸ Ὀνίαν μὴ δυνάμενον. Proinde legendum putarim hoc loco, vincere nequiverat. *Drusius.*

7 *Jason frater Oniæ.*] II Macchab. IV. Qui sic vocari maluit quam Jesus: quod est nomen Ebraicum, ut illud Græcum sive Hellenisticum, unde scripserim libentius Jaso. Ἰάσων, Jaso; ut Πλάτων, Plato. Sic Zeno. Similiter scribi possent Simo, nemo ex Græco Σίμων. Nam Ebraicum Simon non abjicit N. Moris erat illo tempore ut nomina Ebraica cum Græcis permutarent. Sic ex Jesus factum Ἰάσων. Similiter frater Onias dictus est Menelaus. Nihil dico, si non Tarphon ex ea consuetudine mutavit in Τρύφων, qui Latine Trypho diceretur. Sic hodieque quidam Janus dicunt pro Johannes. *Drus.* Vide Joseph. XI. I. cap. 6.

8 *Antiochum Regem.*] Cognomento Ἐπιφανῆς, id est, Illustrem, qui post Ἐπιφανῆς dictus est, id est, Insanus. Hæc acciderunt post excessum Seleuci, anno regni Græcorum, id est, Syro-Macedonum, cxxxv. *Drus.*

9 *Augmentum stipendii pollicitus.*] Talenta tria millia sexcenta sexaginta. *Joseph.*